



溫熱經緯目錄

海甯王士雄孟英纂

卷一

內經伏氣溫熱篇

卷二

仲景伏氣溫病篇

仲景伏氣熱病篇

仲景外感熱病篇

仲景溼溫篇

仲景疫病篇

卷三

葉香巖外感溫熱篇

葉香巖三時伏氣外感篇

卷四

陳平伯外感溫病篇

薛生白溼熱病篇

余師愚疫病篇

卷五

方論

溫熱經緯卷五 甘草

海甯 垂權 孟英纂

定州楊照藜素園

評

烏程汪曰楨謝城

錢塘任文源殿華參金圓

甘草湯 甘草二兩 水三升 煮取一升半 去滓 溫服七

合日二服

王晉三曰一藥治病是曰奇方

徐洄溪曰大甘為土之正味 能制腎水 越上之火

王樸莊曰自靈素至漢晉宋齊諸古方凡云一兩者以

今之七分六釐準之凡云一升者以今之六勺七抄準

之汪按唐人之方則一兩當古之三兩雄按鞠通凡引古方輒改定其分兩而輕重甚未當也學者審之

雄按傷寒類要治傷寒心悸脈結代聖濟總錄治舌腫

塞口外科精要治一切癰疽諸發及丹石煙火藥發兵

部手集治懸癰直指方治痘瘡煩渴及蝨毒藥毒金匱

玉函治小兒撮口及小兒羸瘦得效方治小兒遺溺皆

以一味甘草為方妙用良多總不外乎養陰緩急清熱

化毒也汪按亦兼取和中利水

桔梗湯

桔梗一兩甘草二兩

水三升煮取一升去滓分

溫再服曰次天... 熱... 肺...

鄒潤安曰腎家邪熱循經而上肺不任受遂相爭競二

三日邪熱未盛故可以甘草瀉火而愈若不愈是肺竅

不利氣不宣泄也以桔梗開之肺竅既通氣遂宣泄熱

自透達矣

雄按雖以桔梗名湯而倍用甘草以為駕馭後人改稱

甘桔湯是矣但須審證而投不可泥為通治咽痛之方

也黃錦芳醫案求真嘗論之醫者不可不知

三 豬膚湯

豬膚

一斤雄按以薄杭人能造

豬皮去其肉肥刮如紙各曰肉鮮可以充饌

水一斗煮取五升去滓加白蜜一升白粉五合

即是米粉熬

香和令相得温分六服

王晉三曰腎應羸而肺主

目液下泄不能上蒸於肺

致絡燥而為咽痛者又非

早所能治矣當以豬膚潤

肺腎之燥解虛煩之熱白粉

曰蜜緩中俾豬膚比類而

致津液從腎上入肺中循

復從肺出絡心注胸中

而上中下燥邪解矣

四黃連阿膠湯

黃連<sub>四兩</sub>黃芩

芍藥

<sub>二兩</sub>阿膠

<sub>三兩</sub>雞子黃

二枚

水五升先煮三物取三升去滓內膠烱盡小冷內

雞子黃攪令相得温服七合日三服

鄒潤安曰尤氏云陽經之

為熱則歸於氣陰經之

寒變爲熱則歸於血陽經或有歸於血者惟陰經之熱則必不歸於氣故三陰有熱結證不用調胃承氣小承氣而獨用大承氣諸下利證不已必便膿血是其驗也心中煩不得臥熱證也至二三日以上乃心中煩不得臥則非始卽屬熱矣始卽屬熱心中煩不得臥者爲陰虛陰虛則不得瀉火今至二三日以上始見則爲陽盛陽盛則宜瀉火然致此陽盛亦必其陰本虛故阿膠芍藥雞子黃無非救陰之品瀉火則惟恃芩連而芩止一兩連乃四兩此黃連之任獨冠一方而爲補劑中瀉藥矣



五豬苓湯

豬苓去皮茯苓

澤瀉

滑石

阿膠

各一兩

水四升先煮四味取二升去滓內阿膠烱消溫服七合

日二

周禹載曰熱盛膀胱非水能解何者水有止渴之功而無祛熱之力也故用豬苓之淡滲與澤瀉之鹹寒與五苓不異而此易朮以膠者彼屬氣此屬血也易桂以滑石者彼有表而此爲消熱也然則所蓄之水去則熱消矣潤液之味投則渴除矣

鄒潤安曰松之概挺拔勁正楓之概柔弱易搖松之理麤疏楓之理堅細松之葉至冬益蒼翠而不凋楓之葉

至冬遂鮮赤而卽落是其一柔一剛顯然殊致茯苓屬陽治停蓄之水不從陽化者豬苓屬陰治鼓盪之水不從陰化者是故仲景以豬苓名方者其所治之證曰少陰病下利欬而嘔渴心煩不得眠者豬苓湯主之若五苓散則其治有渴者有不渴者至茯苓入他方所治之病則不渴者居多蓋渴者水氣被陽逼迫欲得陰和而不能也與之豬苓使起陰氣以和陽化水譬之楓葉已丹遂能卽落也

六 大承氣湯

厚朴

去皮炙  
八兩

枳實

炙五  
枚

大黃

四兩  
酒洗

芒硝

三  
合

水一斗先煎二物取五升去滓內大黃煮取二升去

滓內硝更上微火一二沸溫再服得下餘勿服  
鄒潤安曰柯氏云厚朴倍大黃爲大承氣大黃倍厚朴  
爲小承氣是承氣者在枳朴應不在大黃矣但調胃承  
氣湯不用枳朴亦名承氣何也且三承氣湯中有用枳  
朴者有不用枳朴者有用芒硝者有不用芒硝者有用  
甘草者有不用甘草者惟大黃則無不用是承氣之名  
固當屬之大黃况厚朴三物湯卽小承氣湯厚朴分數  
且倍於大黃而命名反不加承氣字猶不可見承氣不  
在枳朴乎自金元人以順釋承而大黃之功不顯考本  
經首推大黃通血再以六微旨大論充則害承乃制之

義參之則承氣者非血而何夫氣者血之帥故血隨氣  
行亦隨氣滯氣滯血不隨之滯者是氣之不足非氣之  
有餘惟氣滯併波及於血於是氣以血爲窟宅血以氣  
爲禦侮遂連衡宿食蒸逼津液悉化爲火此時惟大黃  
能直擣其巢傾其窟穴氣之結於血者散則枳朴遂能

效其通氣之職此大黃所以爲承氣也雄按此余風論  
如此鄒氏先得

我心汪按大黃本血分之  
藥故知此說確不可易

**七白虎湯** 石膏一斤知母六兩甘草炙二兩粳米六合水一斗

煮米熟湯成去滓溫服一升日三服

方中行曰白虎者西方之金神司秋之陰獸虎嘯谷風

冷涼風酷暑消神於解熱莫如白虎石膏知母辛甘而  
寒辛者金之味寒者金之性辛甘體寒得白虎之體焉  
甘草粳米甘平而溫甘取其緩溫取其和緩而且和得  
伏虎之用焉飲四物之成湯來白虎之嗥嘯陽氣者以  
天地之疾風名也風行而虎嘯者同氣相求也虎嘯而  
風生者同聲相應也風生而熱解者物理必至也抑嘗  
以此合大小青龍真武而論之四物者四方之通神也  
而以命名蓋謂化裁四時神妙萬世名義兩符實自然  
而然者也方而若此可謂至矣然不明言其神而神卒  
莫之掩者君子慎德此其道之所以大也

汪按飲四物  
之成湯以下

數行語多支離牽強必宜削去夫白虎湯清熱乃甘雨非涼風也既備四方之神朱鳥一方何以獨缺且熱劑而名真武名與實爽矣醫者不能研究醫理乃附會經義以自文其淺陋甚且衍先天論太極以欺人實則無關於辨證處方也自明以來庸醫陋習大率如此學者戒之

〔八〕白虎加人參湯 原方加人參三兩煮服同前法

鄒潤安曰傷寒脈浮發熱無汗其表不解者不可與白

虎湯

汪按洞溪云無汗二字最爲白虎所忌

渴欲飲水無表證者白虎加

人參湯主之可見白虎加人參湯之治重在渴也其時

時惡風則非常惡風矣背微惡寒則非徧身惡寒矣

常常惡風徧身惡寒者謂之表證時時惡風背微惡寒

者表邪已經化熱特尙未盡耳謂之無表證可也然熱

邪充斥津液消亡用枯萁根生津止渴可也何以必用人參靈樞決氣篇腠理發泄汗出溱溱是謂津津爲水陰屬也能外達上通則陽矣夫是之謂陰中之陽人參亦陰中之陽惟其入陰故能補陰惟其爲陰中之陽故能入陰使人陰中之氣化爲津不化爲火是非枯萁根可爲力矣

雄按朱奉議云再三汗下熱不退者以此湯加蒼朮一錢如神

九黃芩湯

黃芩

三兩

甘草

炙

芍藥

各二兩

大棗

十二枚

水一

斗煮取三升去滓溫服一升日再夜一服

鄒潤安曰或問黃芩湯治何等證其證腹痛與否若腹

痛何以用黃芩若腹不痛何以用芍藥

汪按腹痛因乎熱者甚多謂腹

痛必因寒者前人拘滯之見也

曰其證身熱不惡風亦不惡熱或下利

或嘔腹則不痛蓋芍藥甘草大棗桂枝湯裏藥也以不

惡風故不用薑桂黃芩甘草大棗小柴胡裏藥也以不

往來寒熱故不用柴胡以其常熱故不用人參若不嘔

則併不用半夏生薑至芍藥則並不因腹痛而用以桂

枝湯證原無腹痛也亦不心下痞鞭故不去大棗也又

厥陰篇云傷寒脈遲與黃芩湯除其熱腹中則冷不能

食可知黃芩湯證之脈必數黃芩所治之熱必自裏達



外不治但在表分之熱矣然仲景用黃芩有三耦焉氣  
分熱結者與柴胡爲耦血分熱結者與芍藥爲耦溼熱  
阻中者與黃連爲耦以柴胡能開氣分之結不能泄氣  
分之熱芍藥能開血分之結不能清迫血之熱黃連能  
治溼生之熱不能治熱生之溼譬之解鬥但去其鬥者  
未平其致鬥之怒鬥終未已也故黃芩協柴胡能清氣  
分之熱協芍藥能泄迫血之熱協黃連能解熱生之溼  
也

汪按前人方解不過望文生義必  
如鄒氏諸條始覺有味可咀矣

**十**黃芩加半夏生薑湯 原方加半夏半升生薑三兩煮

服法同前

鄒潤安曰嘔而脈數口渴者為火氣犯胃不宜加此

雄按章虛谷云生薑性熱僅能治寒不可泛用於諸感

也汪按傷寒一百十三方用薑者五十七則禁劑然溫暑證最宜慎用用之不當或致味原非

謂雖與苓連同用亦尚有害是也又古時法人泗溪

法凡方用半夏無不兼用薑者義取制半夏炮製之

以治病者功在半夏不在薑也今所用半夏毒其所

製可不必兼用薑矣後人不察但見古方用先已薑

遂不論何證隨手妄施其中必有誤人而不自覺者戒之者不少

十一 梔子豉湯 梔子四枚 香豉四合 水四升 先煮梔

子得二升半內豉煮取升半去滓分為二服進一服

得吐止後服 徐澗溪曰此劑分兩最小凡治土焦之藥皆按此湯

加減七方既不注定何經亦不專治何誤總由汗吐下

之後正氣已虛尙有痰涎滯氣凝結上焦非汗下之所

能除雄按溫暑溼熱之證每有痰涎滯氣凝結上焦不能除必在汗吐下後也既非汗下可除尤忌妄投補劑

經所云在上者因而越之則不動經氣而正不重傷此

爲最便乃不易之法也古方梔子皆生用故入口卽吐

後人作湯以梔子炒黑不復作吐全失用梔子之意然

服之於虛煩證亦有驗想其清肺除煩之性故在也汪按

欲取吐者必宜生用

十二 一物瓜蒂湯

瓜蒂二个

水一升煮取五合去滓

頓服

尤在涇曰暑之中人也陰虛而多火者暑即寓於火之中為汗出而煩渴宜白虎加人參以清熱生陰陽虛而多溼者暑即伏於溼之內為身熱而疼重故暑病恆以溼為病而治溼即所以治暑瓜蒂苦寒能吐能下去身而四肢水氣水去而暑無所依將不治而自解矣此治中暑兼溼者之法也

十三炙甘草湯一名復脈湯甘草四兩生地黃一斤麥冬麻

仁各半桂枝各三生薑兩人參各二阿膠兩大棗三十

中行曰地黃上不當有生字清酒七升水八升先煮八味取三升

去滓內膠烱消盡溫服一升日三服

沈亮宸曰此湯爲千古養陰之祖方也

鄒潤安曰地黃分數獨甲於炙甘草湯者蓋地黃之用  
在其脂液能榮養筋骸經脈乾者枯者皆能使之潤澤  
也功能復脈故又名復脈湯脈者原於腎而主於心心  
血枯槁則脈道泣澀此傷寒論所以脈結代與心動悸  
並稱金匱要畧又以脈結悸與汗出而悶並述至肺痿  
之心中溫溫液液涎唾多則陰皆將盡之孤注陽僅膏  
覆之殘焰惟此湯可增其殼內絡外之脂液也

十四瓜蒂散

瓜蒂熬赤小豆

各一分汪按赤小豆乃小粒赤豆俗名米赤者是也

勿誤用相思子

各別擣篩爲散已合治之取一錢匕以香豉

一合用熱湯七合煮作稀糜去滓取汁和散溫頓服之  
不吐者少少加得快吐爲止諸亡血虛家不可與之

盧子繇曰瓜象實在鬚蔓間也蒂瓜之綴蔓處也性徧  
蔓延末繁於本故少延輒腐爾雅云其紹𦉰疏云繼本  
曰紹形小曰𦉰故近本之瓜常小近末之瓜轉大也凡  
實之吮抽津液惟瓜稱最而吮抽津液之樞惟蒂是以  
瓜蒂其徹下炎上之用乃蒂味苦而瓜本甘以見中樞  
之所以別於上下內外誠涌泄之宣劑通劑也

十五麻黃連軹赤小豆湯

麻黃

連軹

甘草

炙

生薑

各二兩

赤小豆

生梓白皮

各一升

杏仁

四十

大棗

十二

枚

瀉水一斗先煮麻黃再沸去上沫內諸藥煮取三升分  
溫三服半日服盡

鄒潤安曰本經臚列連翹之功以寒熱起以熱結終此  
條癥熱在裏句適與連翹功用不異郭景純爾雅注一  
名連茗茗輶聲同字異耳而今本傷寒論注曰連輶卽  
連翹根遂以本經有名未用翹根當之陶隱居云方藥  
不用人無識者故唐本草去之豈仲景書有此六朝人  
皆不及見至王海藏忽見之耶噫亦必無之事矣

十六梔子檠皮湯

梔子

十五枚

黃檠

二兩

甘草

一兩

水四升

煮取升半去滓分溫再服

鄒潤安曰梔子大黃湯茵陳蒿湯大黃消石湯梔子槩  
皮湯證其標皆見於陽明陽明者有在經在腑之分發  
熱汗出懊懣皆經證也腹滿小便不利皆腑證也梔子  
大黃湯證經多而腑少茵陳蒿湯證有腑而無經梔子  
槩皮湯證有經而無腑大黃消石湯證經少而腑多

雄按金鑑云此方之甘草當是茵陳蒿必傳寫之譌也

十七茵陳蒿湯

茵陳蒿

六兩梔子

十四枚

大黃

二兩

水一斗

先煮茵陳減六升內二味煮取三升去滓分溫三服小  
便當利溺如皂角汁狀色正赤一宿腹減病從小便去

也

徐洄溪曰先煮茵陳則大黃從小便出此祕法也



鄒潤安曰新感之邪爲素有之熱結成黃疸此證已所  
謂因陳矣故傷寒金匱二書幾若無疸不因陳者然梔  
子檗皮湯證有外熱而無裏熱麻黃連軹赤小豆湯證  
有裏熱而無外熱小建中湯證小便自利小柴胡湯證  
腹痛而嘔小半夏湯證小便色不變而噦桂枝加黃耆  
湯證脈浮梔子大黃湯證心中懊懣消石礬石散證額  
上黑日晡發熱則內外有熱但頭汗出齊頸而還腹滿  
小便不利口渴爲茵陳蒿湯證矣第腹滿之治在大黃  
內熱之治在梔子惟外復有熱但頭汗出小便不利始  
爲茵陳的治其所以能治此者以其新葉因陳幹而生

清芬可以解鬱熱苦寒可以泄停溼也蓋陳幹本能降熱利水復加以葉之如絲如縷挺然於暑溼蒸逼之時先草木而生後草木而彫不必能發散而清芳揚溢氣暢不斂則新感者遂不得解自是汗出不止於頭矣故曰發熱汗出此爲熱越不能發黃也

十八 抵當湯

水蛭

熬

蠱蟲

去翅

桃仁

去皮尖各三十個

大黃

三兩

酒浸

右爲末以水五升煮取三升去滓溫服一升不下

再服

徐洄溪曰凡人身瘀血方阻尙有生氣者易治阻之久則無生氣而難治蓋血既離經與正氣全不相屬投以

輕藥則拒而不納藥過峻又能傷未敗之血故治之極難水蛭最喜食人之血而性又遲緩善入遲則生血不傷善入則堅積易破借其力以攻積久之滯自有利而

無害也

雄按王肯堂云人溺蜂蜜皆制蛭毒

章虛谷曰經言陽絡傷則血外溢陰絡傷則血內溢外溢則吐衄內溢則便血蓋陰陽手足十二經交接皆由絡貫通接連細絡分布周身而血隨氣行必由經絡流注表裏循環是故絡傷則血不能循行隨陰陽之部而溢出其傷處卽瘀阻阻久而蓄積無陽氣以化之乃成死血矣故仲景用飛走蟲藥引桃仁專攻絡結之血大

黃本入血分再用酒浸使其氣浮隨蟲藥循行表裏以  
導死血歸腸腑而出豈非為至妙至當之法哉由是類  
推失血諸證要必以化瘀調經絡為主矣余每見有初  
治即用呆補之法使瘀結絡閉不能開通終至於死良  
可慨也雄按王清任論虛勞亦主瘀阻蓋本大黃蠱蟲丸之義而言也

十九文蛤散 文蛤五兩 為散以沸湯和一錢匕服湯用

五合

二十文蛤湯 文蛤 石膏各五兩 麻黃 甘草 生薑各

兩杏仁五十粒 大棗十二枚 水六升煮取二升溫服一升

汗出即愈

鄒潤安曰文蛤卽海蛤之有文理者吳人謂之花蛤按雄

王晉三云若黥色無火者服之令人狂走赴水夏小正季秋之月雀入于海爲

蛤安氏云雀羽蟲也羽蟲屬火火炎上故鳥上飛曷爲

入海而爲蛤蓋九月火伏於戌十月純陰金水之令故

羽蟲感之而化也蛤屬水水性下故下潛秋冬水勝火

雀爲蛤象火之伏於水也又離爲火爲雉爲蚌雀雉之

類蛤蚌之類外剛內柔皆離之變化也因而思傷寒論

反以冷水瀝灌之證非火厄於水而何金匱要畧吐後

渴欲得水之條非火之溺於水而何惟其火在水中而

病故以火入水中而生者治之然厄於水者惡水惡水

則火與水未相浹也故直以是使水中之火仍暢茂得  
生而可已溺於水者喜水喜水則火與水漸相浹矣故  
必合麻杏甘膏加薑棗以清發之乃能已也

二十五苓散

澤瀉

一兩六銖

豬苓

茯苓

白朮

各十八銖方中

行曰朮上不當有白字雄按二十四銖爲一兩每銖重  
四分二釐弱六銖爲鎰卽二錢五分十八銖卽七錢五  
分桂枝半兩爲末以白飲和服方寸匕日三多服煖水  
也

汗出愈

沈果之曰中風發熱六七日不解而煩有表裏證渴欲  
飲水水入卽吐者名曰水逆五苓散主之蓋表證爲太  
陽不足故用桂以宣陽氣通津液於周身卽內經水精

四布五經並行之旨非用之以通水道下出也裏證爲三焦之氣化不宣故用瀉朮二苓以通三焦之閉塞非開膀胱之溺竅也夫下焦之氣化不宣則腹膨而小便不利水蓄膀胱是爲胞痺此乃水蓄於膀胱之外不能化入膀胱故用五苓以化之至小便不利汗出而渴者亦主以是方而不渴者茯苓甘草湯主之蓋渴爲陽氣不足水不上升也不升則不降故用桂以升之二苓澤瀉以降之而用朮以爲中樞乃注者莫不以渴爲熱入膀胱津液被劫所致如果熱入而復用桂朮以溫液耗津又加苓澤以滲之是熱之又熱耗之又耗速之斃矣

且不渴者反不用五苓而用茯苓甘草湯可知不渴則無須桂朮之蒸騰津液而桂朮之非治太陽而治三焦更不待言矣

二十二 小陷胸湯

栝蒌實

大者一枚

黃連

兩

半夏

半升

水六

升先煮栝蒌取三升去滓內諸藥煮取二升去滓分溫三服

鄒潤安曰觀仲景之用栝蒌實在此湯曰小結胸正在心下按之則痛在栝蒌薤白白酒湯曰喘息欬唾胸背痛短氣而其脈一則曰浮滑一則曰寸口沈遲關上小緊數是皆陰中有陽且踞於陽位者也夫胸背痛較接



之方痛則甚痺則較結爲輕欬唾喘息是其勢爲上衝而居於心下按之纔痛似反靜而不動此其機總緣氣與飲相阻寒與熱相糾熱甚於寒者其束縛反急而爲結寒甚於熱者其蔽塞自盛而爲痺是故結胸之病伏胸痺之病散伏者宜開散者宜行故一則佐以連夏之逐飲泄熱一則佐以薤酒之滑利通陽枳蘘實之裏無形攢聚有形使之滑潤而下則同能使之下似是治實之方僅能使之下不能使其必通又非純乎治實之道矣何以知不能使之必通蓋有停飲痛甚至不得臥卽當加半夏若兼胸滿脇下逆搶心則仍加枳朴桂枝倘

竟能通又何必如是哉是知枯蕪實之治大旨在火與痰結於陽位不純乎虛亦不純乎實者皆能裏之而下此其擅長矣

二十三白散

桔梗

貝母

各三分

巴豆

一分去皮心膜熬黑研如脂雄按古

人以六銖爲一分分字去聲卽二錢五分也

爲末內巴豆更於臼中杵之

以白飲和服強人半錢羸者減之病在膈上必吐在膈

下必利不利進熱粥一杯利過不止進冷粥一杯

汪按半錢

者以銅錢取藥未僅沒錢文之半卽半錢也而省匕字非若今人以五分爲半錢也

鄒潤安曰寒實結胸無熱證者治以白散散中用桔梗

爲疏通氣分之主夫開導胸中之氣仲景於大承氣湯

梔子厚朴等湯莫不用枳朴此偏不用何哉蓋病有上下治有操縱結在上者宿痰停飲也故凡結胸無論熱實寒實甯用甘遂葶藶巴豆不用枳朴如大陷胸湯丸白散是也結在中下始熱與實澁氣隨熱化則於蕩滌邪穢中疏利其與邪爲伍之氣大小承氣諸湯是也况桔梗之用使氣上越而不使氣下泄今病在至高固宜操上而縱下不使中下無過之地橫被侵陵故曰病在膈上必吐在膈下必利也熱邪與停飲結治以栝蒌而佐之者反用半夏黃連寒邪與停飲結治以巴豆而佐之者反用桔梗貝母於寒因熱用熱因寒用之中反佐

以取之可謂精義人神以致用者矣

二十四調胃承氣湯

大黃四兩去皮清酒浸

甘草二兩炙

芒硝半升

水三升先煮大黃甘草取一升去滓內芒硝更上火

微煮令沸少少溫服之

徐洄溪曰芒硝善解結熱之邪大承氣用之以解已結之熱邪此方用之以解將結之熱邪其能調胃則全賴

甘草也

二十五升麻鼈甲湯

升麻

當歸

甘草

各二兩

蜀椒

炒去

汗一鼈甲

手指大一片炙雄黃半兩研

水四升煮取一升頓服

之老小再服取汗金匱要畧陽毒用此方陰毒去雄黃

蜀椒肘後千金方陽毒用升麻湯無鼈甲有桂陰毒用甘草湯即本方無雄黃活人書陽毒升麻湯用犀角射干黃芩人參無當歸蜀椒鼈甲雄黃

徐洄溪曰蜀椒辛熱之品陽毒用而陰毒反去之疑誤

活人書加犀角等四味頗切當

二十六百合知母湯

百合七枚知母三兩

先以水洗百合

漬一宿當白沫出去其水別以泉水二升煎取一升去

滓別以泉水二升煎知母取一升後合煎取一升五合

分溫再服

王樸莊曰百合入藥以野生極小者為勝

二十七 百合雞子黃湯 百合七枚 雞子黃一枚 先煎百合

如前法了 雞子黃攪勻煎五分溫服

二十八 百合滑石代赭湯 百合七枚 滑石三兩碎 代赭

石如彈丸大 一枚碎絲裏 先煎百合如前法別以泉水二升煎

滑石代赭取一升去滓後合和重煎取一升五合分溫

再服

二十九 百合地黃湯 百合七枚 生地黃汁一升 先煎百

合如前法了 內地黃汁煎取一升五合分溫再服申病

勿更服大便黃如漆

三十 百合滑石散 百合一兩 滑石三兩 為散飲方寸匕

日三服當微利者止服熱則除

鄒潤安曰玩百合知母湯可以見汗則傷氣邪搏於氣  
分爲消渴熱中也玩百合雞子黃湯可以見吐則傷上  
邪擾於心爲煩懊不寐也玩百合代赭湯可以見下則  
傷血邪搏於血分爲血脈中熱也玩百合地黃湯可以  
見不經吐下發汗則係百脈一宗悉致其病無氣血上  
下之偏矣所謂曰脈一宗者何平人氣象論曰胃之大  
絡名曰虛里出於左乳下其動應衣爲脈宗氣是最近  
於心乃著邪焉是以見證行臥不安如有神靈皆心中  
輾轉不適之狀口苦小便數身形如和其脈微數皆心

中熱鬱氣挽之徵以此例之本經百合主邪氣腹滿心痛蓋有若合符節者而治法始終不外百合則以心本不任受邪心而竟爲邪擾則不責將之謀慮不審卽責相之治節不行今邪阻於上而不下行爲肺之不主肅降無能遁矣故欲徵其愈期極宜驗其小便凡溺時必肺氣下導小便乃出今氣挂於頭卽欲下行上先有故則肺形之軒舉不隨氣之支結不降亦又何疑乃頭中之不適復分三等其最甚者至氣上挂而爲痛其次則不痛而爲淅淅然又其次則因小便通而快然卽此驗其軒舉支結之淺深微甚旣瞭如指掌矣况合之以百



合地黃湯下云大便當如漆百合滑石散下云微利者  
止服熱則除則百合之利大小便又與本經脗合矣

三十一 栝萇牡蠣散

栝萇根

牡蠣熬等分

爲細末飲

服方寸匕日三服

鄒潤安曰百合病至一月不解而變成渴以百合湯洗  
之而仍不差則病爲傷中上之陰無疑雖然僅曰渴不  
曰欲飲水且不煩不熱究竟病無駐足之所僅渴之一  
端爲得所依藉耳於此見昔之百脈一宗悉致其病者  
今則上焦已化而在下者尙未化也上焦已化百脈之  
病已蠲其半百合遂無所用之而下焦之未化者不得

不選用牡蠣使之召陽歸陰而其主腦尤在治上焦之  
已化者故方中配以從陽化陰之栝蘘根兩物等分標  
名則升栝蘘於牡蠣之上為一方之統攝也

三十二 甘草瀉心湯

甘草

四兩

黃芩

炙

人參

乾薑

各

兩 半夏

半升 黃連

兩 大棗

十二枚

傷寒論無人參

水一斗煮取六

升去滓再煎取三升溫服一升日三

王晉三曰甘草瀉心非瀉結熱因胃虛不能調劑上下

水寒上逆火熱不得下降結為痞故君以甘草大棗和

胃之陰乾薑半夏啟胃之陽坐鎮下焦客氣使不上逆

仍用芩連將已逆為痞之氣輕輕瀉卻而痞乃成泰矣

三十三 赤豆當歸散 赤小豆三升浸令芽出曝乾當歸十分杵為

散漿水服方寸匕日三汪按赤小豆乃赤豆之小種今藥肆以半紅半黑之相思子為

赤小豆醫者亦多誤用然相思子不能出芽即此方可證其謫

三十四 二妙散 茅山蒼朮生用川黃檗炒黑為末搗生薑

煎沸湯調服

王晉三曰此偶方之小制也蒼朮生用入陽明經能發

二陽之汗黃檗炒黑入太陰經能除至陰之溼一生一

熟相為表裏治陰分之溼熱有如鼓應桴之妙

三十五 生薑瀉心湯 生薑四兩甘草炙人參 黃芩各二兩

半夏半升黃連 乾薑各一兩大棗十二枚水一斗煮取六

升去渣煎取三升温服一升日三

徐洄溪曰汗後而邪未盡必有留飲在心下其證甚雜

而方中諸藥一一對證內中又有一藥治兩證者亦有

兩藥合治一證者錯綜變化攻補兼施寒熱互用皆本

內經立方諸法其藥性又皆與神農本草所載無處不

合學者能於此等方講求其理而推廣之則操縱在我

矣

三  
十六  
半  
夏  
瀉  
心  
湯  
半  
夏  
黃  
芩  
乾  
薑  
甘  
草

參  
黃  
連  
大  
棗  
水  
一  
斗  
煮  
取  
六  
升  
去  
渣  
再

煎取三升温服一升日三

五  
九  
經  
五  
卷  
五  
九

方中行曰半夏乾薑辛以散虛滿之痞黃芩黃連苦以  
泄心膈之熱人參甘草甘以益下後之虛大棗甘溫潤  
以滋脾胃之液曰瀉心者言滿在心膈而不在胃也

三十七大黃黃連瀉心湯

大黃

兩黃連

麻沸湯二

升漬之須臾絞去滓分溫再服

尤在涇曰成氏云此導虛熱之方也按所謂虛熱者對  
燥矢而言也蓋邪熱入裏與糟粕相結則爲實熱不與  
糟粕相結則爲虛熱非陰虛陽虛之謂本方以大黃黃  
連爲劑而不用枳朴等藥者蓋以泄虛熱非以蕩實熱  
也雄按不但不用枳朴等藥也二味僅以麻沸湯漬須臾卽絞其味甚薄乃可泄虛熱若久漬味厚雖無枳

朴亦能下走腸胃也汪按尤氏解釋極精妙夢隱更以前法釋之亦妙

三十八附子瀉心湯 大黃二兩 黃連炒 黃芩炒各一兩 附子

一枚去皮別煮取汁 以麻沸湯二升漬三味須臾絞去渣內附

子汁分溫再服

徐洄溪曰前方乃法之最奇者不取煎而取泡欲其輕

揚清淡以滌上焦之邪此法更精附子用煎三味用泡

扶陽欲其熱而性重開痞欲其生而性輕也雄按觀此可知用藥

之道

鄒潤安曰心之為體於卦象離今被邪逼則外陽內伐

內陰沸騰故半夏甘草生薑三瀉心湯治陰邪之未化

者也大黃黃連附子二瀉心湯治陰邪之已化者也陰邪已化不逼心陽則在內之沸亂畧定惟在外之邪氣尙阻則取二黃之泄熱蕩去其邪邪去正自安矣惡寒汗出者在上之陰邪纔化在下之陰氣復逆故輕取二黃之氣以蕩熱除穢重任附子之威以追逐逆陰使之異趨同歸相成而不相背也其未化者陽餒膈於陽位而恣肆於陰分邪盤踞於清道而潰泄於下焦非乾薑半夏生薑之振散陰霾不足以廓清心之外郭非人參黃連之養陰泄熱不足以安擾心之內訌也

又曰余治瘧發時先嘔者用半夏瀉心吐瀉交作者用

生薑瀉心胸痞下利者用甘草瀉心皆應如桴鼓

三十九 小承氣湯

大黃兩四

厚朴兩二

枳實枚三

水四升煮

取一升二合去滓分溫二服初服湯當更衣不爾者盡

飲之若更衣勿服

雄按於大承氣湯既去芒硝而減枳朴復以大黃同煎

而緩其蕩滌之性古人謂之和胃之劑故曰小承湯

四十 牛黃清心丸

陝西牛黃二分

鏡面硃砂一分

生黃

連黃芩

山梔

鬱金

爲末蒸餅爲糊丸如

黍米大每服七八丸

王晉三曰此丸古有數方其義各別若治溫邪內陷包



絡神昏者惟萬氏此方爲妙蓋溫熱入於心包絡邪在裏矣草木之香僅能達表不能透裏必藉牛黃幽香物性乃能內透包絡與神明相合然尤在佐使之品配合咸宜萬氏用芩連山梔以瀉心火鬱金以通心氣辰砂以鎮心神合之牛黃相使之妙是丸調入犀角羚羊角金汁甘草人中黃連翹薄荷等湯劑中頗建奇功

雄按周公謹云局方牛黃清心丸止是前八味至蒲黃而止自山藥以後凡二十一味乃補虛中山芋丸當時不知何以誤併爲一因循不曾改正貽誤後人匪細凡此之類讀書者不可不知也一方用牛黃雄黃黃連黃

芩梔子犀角鬱金硃砂各一兩真珠五錢冰片麝香各

二錢五分研煉蜜丸每重一錢金箔為衣蠟匱功效較

萬方為勝

此按萬方太輕此方較有力

四十一至寶丹

生烏犀角

生瑤瑁

琥珀

鏡面硃

砂

研飛

雄黃

研飛各一兩

西牛黃

五錢

龍腦

研

麝香

研各一錢

安息香

一兩五錢為末酒研飛淨一兩熬膏用水安息尤妙

金箔

銀箔

各五十片研細為衣

先

將犀瑤為細末入餘藥研勻將安息香膏重湯煮凝成

後入諸藥中和搜成劑丸如梧子大蠟護臨服剖用人

參湯化下三丸至五丸本事方有人參南星天竺黃

王晉三曰此治心臟神昏從表透裏之方也黃犀瑤珀

以有靈之物內通心竅硃雄二箔以重墜之品安鎮心  
神佐以腦麝安息搜剔幽隱諸竅東垣云冰雄牛麝入  
骨髓透肌膚抱朴子言金箔雄黃合餌為地仙若與丹  
砂同用為聖金餌之可以飛昇故熱入心包絡舌絳神  
昏者以此丹入寒涼湯藥中用之能祛陰起陽立展神  
明有非他藥所可及徐氏云安神定魄必  
備之方真神丹也若病因頭痛  
而即神昏不語者此肝虛魂升於頂當用牡蠣救逆以  
降之又非至寶丹所宜輕試

四十二涼膈散

一名連翹飲子

連翹

四兩

大黃

酒浸

芒硝

甘草

各二兩

兩

黃芩

酒炒

薄荷

梔子

各一兩

為粗末每服三五錢加

竹葉七片水一椀半煎一椀去滓入生白蜜一匙微煎

溫服與四物各半服能和營泄熱名雙和散本事方加

赤芍乾葛治諸熱累效玉機云輕者宜桔梗湯汪按此方與第

二方桔梗湯名同實異即本方去硝黃加桔梗舟楫之品浮而上

之去膈中無形之熱且不犯中下二焦也雄按此方加減法詳宣明

論

徐洄溪曰此瀉中上二焦之火即調胃承氣加疏風清

火之品也

余師愚曰熱淫於內治以鹹寒佐以苦甘故以連翹黃

芩竹葉薄荷升散於上大黃芒硝推蕩其中使上升下

行而膈自清矣余謂疫疹乃無形之熱投以硝黃之猛烈必致內潰因去硝黃加生石膏桔梗使熱降清升而疹自透亦上升下行之義也

雄按法本宜明剪裁甚善

四十三犀角地黄湯

暹羅犀角

磨汁

連翹

各三錢

生地

五錢

甘草

五分

水二鍾武火煎三物至八分去滓入犀汁和

服

王晉三曰溫熱入絡舌絳煩熱八九日不解醫反治經寒之散之攻之熱勢益熾得此湯立效者非解陽明熱邪解心經之絡熱也按本草犀角地黄能走心經專解營熱連翹入心散客熱甘草入心和絡血以治溫熱證

熱邪入絡功務局方

四十四導赤散

生地

木通

甘草梢

各等分雄按生地木通不應等

分

水煎服或加淡竹葉

汪按古方淡竹葉即竹葉也淡竹乃竹名耳今藥肆所售

淡竹葉草是小青之別種性能涼胃不能清心醫人每多誤用雄按本方去甘草加黃芩蜜丸名火府丹亦治

心熱溺溜淋渴等證本方加升麻黃連丹皮名升脉清胃湯輕清涼血乃秦皇士透化斑疹之良劑

四十五理中丸

人參

甘草

炙 朮

乾薑

各三兩

擣篩

為末蜜和為丸如雞子黃大以沸湯數合和一丸研碎

溫服之日三四服夜二服腹中未熱益至三四丸

雄按未熱

二字須著眼腹中不冷者其可服乎然不及湯湯法以四味依兩數切用

水八升煮取三升去渣溫服一升日三

徐洄溪曰此仲景治寒多霍亂之方也蓋亦傷寒之類  
後人以暑月之吐利當之而亦用此方更造為大順散  
者皆無稽之論也

四十六四君子湯

人參

白朮

炒

茯苓

各二錢

甘草

炙一錢

生薑

片

大棗

二枚

水煎溫服

徐洄溪曰此補脾之主方

四十七玉女煎

生石膏

三五錢

熟地

三五錢或一兩

麥冬

二錢

知母

午膝

各一錢五分

水一鍾半煎七分服

雄按陳修園力闢此方之謬然用治陰虛胃火熾盛之  
齒痛頗有捷效若治溫熱病地黃宜生牛膝宜刪葉氏

引用決不沉守成方近讀景岳發揮果與陳氏之論印

合

四十八四物湯

生地

當歸

各三兩

芍藥

一兩五錢

藥

二兩

咬咀每服四錢水二盞煎八分去滓溫服

張路玉曰四物為陰血受病之專藥非調補真陰之藥

也

汪按調補真陰宜集靈膏

一百二十

不宜四物而人多誤會

四十九小柴胡湯

柴胡

半斤

黃芩

人參

甘草

炙

生薑

各三兩

半夏

半升

大棗

十二枚

水

一斗

二升

煮取

六升

去滓

再煎取三升溫服一升日三



尤拙吾曰熱入血室三條其旨不同第一條是血全空而熱乃入者空則熱不得聚而游其部故脇滿痛第二條是熱邪與血俱結於血室者血結亦能作寒熱柴胡亦能去血結不獨和解之謂矣第三條是熱邪入而結經尚行者經行則熱亦行而不得留故必自愈無犯胃氣及上二焦病在血而不在氣在下而不在上也若誅伐無過變證隨出烏能自愈耶

沈再平曰今人治瘧必用此湯若非此湯卽不足以爲治者故致輾轉淹滯變生不測竟能殞命則知瘧本非死證惟概以柴胡治瘧者殺之也夫柴胡爲少陽表藥

若其瘧果發於少陽而以柴胡治之無不立愈若係他經用之則必使他經之邪輾轉而入少陽遷延以斃乃既死猶曰柴胡爲治瘧主藥吾開手卽用之不知其何以死病家亦以柴胡治瘧而竟不效眞其命之當死也彼此昏迷不得一悟良可浩歎

雄按內經論瘧旣分六經又分臟腑並不泥定

少陽一經  
醫家繹之

雄按本方柴半各八兩準今得六錢零八釐參草苓薑各三兩準今得二錢二分八釐棗十二枚以水一斗二升準今得八合零四抄煮至減半去滓再煎至減半夫煎而又煎祇取四分之一其湯之濃郁甘柔可知喻氏

謂和藥取其各藥氣味之相和余謂和者取其氣緩味厚斯爲補正托邪之劑故惟風寒正瘧邪在少陽者可

以按法而投則參甘薑棗補胃充營半夏利其樞柴苓

解其熱病無不愈矣猶之今人於瘧發之先飽啖羊肉

酒飯亦能取效  
汪按瘧疾寒來之時強食過飽往往一寒不能復熱而死吾見甚多不可不戒

蓋風寒自表面受胃腑空虛自能安穀治必先助中氣

托邪外出卽禦外邪杜其內入誠一舉兩全之策也若

溫熱暑溼諸瘧邪從口鼻而受肺胃之氣先已窒滯病

發卽不飢惡穀脘悶苔黃苟不分別但執此湯奉爲聖

法則參甘薑棗溫補助邪驟則液涸神昏緩則邪留結

痞且有耗傷陰血而成瘧勞者卽不用全方而專以柴

胡爲治瘧主藥亦惟營陰充裕或溫熱暑溼之邪本不

甚重及兼感風寒之表邪者始可見功汪按治正瘧必宜此湯溫暑亦

有正瘧不獨風寒方用黃芩是清熱非祛寒也且柴胡主少陽半表半裏黃芩裏藥亦非以治表邪但當辨其

是否正瘧耳若似瘧非瘧妄用柴胡必提成長熱不退或兩耳大痛甚至神昏更或引動肝風瘧厥立至生平

見之故倪涵初所定三方亦愈病者稀而加病者多也

汪按瘧疾強止變成臃脹者多不救而人但知其臃脹而死未嘗歸咎於治瘧之不善故醫者終身誤人而不自知雖告

之不信也世人凡患瘧不究病因輒以薑棗湯灌之其

弊類此羊肉亦然凡屬時瘧雖愈後亦忌食食則必復

此時瘧之所以異於正瘧也可不察哉

五十桂枝紅花湯

傷寒桂枝湯加紅花

原方桂枝芍藥生薑各三兩甘

草炙二兩大素十一枚

五十一葱豉湯

葱白握一香豉三合

水煎入童子小便一

合日三服

雄按蘆根桑葉滑石煎漿之類皆可隨證佐用

張路玉曰本方藥味雖輕功效最著凡虛人風熱伏氣

發溫及產後感冒靡不隨手獲效

尤拙吾曰溫邪之發陰必先傷設有當行解散者必兼

滋陰之品於其中昔人於葱豉湯內加童便於梔豉湯

中加地黃麥冬亦此意也

雄按二方加減古法最詳

華岫雲曰在內之溫邪欲發在外之新邪又加葱豉湯

最爲捷徑表分可以肅清

鄒潤安曰梔子與葱白一係泄熱一係通陽泄熱者縱通陽者橫縱則能通上下之道此所以宜於汗吐下後表邪已解之時橫則能達外內之情此所以宜於病初起卒難辨識之際而豆豉擅開發止焦鬱抑宣導陰濁逗留故在先後咸藉以奏功也

雄按葉氏春溫篇於新邪引動伏邪亦主是方蓋此湯爲溫熱初病開手必用之劑鞠通不察舍近而圖遠遂爲喻氏臆說所惑以桂枝湯爲初感之治仍不能跳出傷寒圈子矣意欲紹述仲聖乎則祖上之門楣不可誇

爲自己之閹閹也拘守其迹豈是心傳尤氏云桂枝湯爲傷寒表病而裏和者設溫病伏寒變熱少陰之精已被劫奪雖有新舊合邪不可更用辛溫助熱而絕其本也吳氏殆未之聞耶

五十二 清心涼膈散

一名桔梗湯

卽涼膈散

四十二

去硝黃加

桔梗余氏又加生石膏爲治疫疹初起之良劑

五十三 葦莖湯

葦莖 二斤 薏苡仁

瓜瓣 各半斤

桃仁

五十枚

水一斗先煮葦莖得五升去滓內諸藥煮取二升服

一升再服

雄按鄒氏續疏云葦莖形如肺管甘涼清肺且有節之

物生於水中能不爲津液闕隔者於津液之闕隔而生  
患害者尤能使之通行薏苡色白味淡氣涼性降秉秋  
金之全體養肺氣以肅靖凡淫熱之邪客於肺者非此  
不爲功也瓜瓣即冬瓜子冬瓜子依於瓢內瓢易潰爛  
子不能溷則其能於腐敗之中自全生氣卽善於氣血  
凝敗之中全人生氣故善治腹內結聚諸癰而滌膿血  
濁痰也桃仁入血分而通氣合而成劑不僅爲肺癰之  
妙藥竟可瘳肺痺之危病

五十四瀉白散

桑白皮

地骨皮

甘草

各一兩

爲粗

末每服一二錢入粳米百粒水煎



徐洄溪曰此方能治肺中之飲

雄按此瀉去肺熱而保定肺氣之方也若肺不傷於熱而傷於風寒者誠有如鞠通所謂必將邪氣戀定而漸成勞怯矣故用藥必先議病也

五十五葶藶大棗瀉肺湯

葶藶

熬令黃色搗丸如雞子大

大棗

十二枚

水三升煮棗取二升去棗內葶藶煮取一升頓服

雄按外臺用葶藶杏仁各一升大棗六十枚合杵如膏

加蜜作丸桐子大桑白皮湯下六七十丸以大便通利

為度本事方無杏仁有陳皮桔梗棗肉丸梧子大每服

五七丸飲下名棗膏丸元戎於本方加麻黃五味子

汪按

此二味並用  
似嫌夾雜  
並治痰實飲閉而為喘脹者余治虛弱人

患實痰哮喘者用葶藶炒黃煎湯去渣以湯煮大棗食

之亦變峻劑為緩劑之一法也

五十六竹葉石膏湯  
竹葉握二生石膏斤一半夏半斤人參

兩甘草二兩麥門冬斤一粳米半升  
雄按陳修園曰傷寒論用人參者有數方皆因

汗吐下之後亡其津液故取甘涼以救其陰也  
水一斗先煮六味取六升去

滓內粳米煮米熟湯成去米溫服一升日三集驗此方加生薑治

嘔最良雄按余用此方治暑瘧極妙

徐洄溪曰此治傷寒解後虛羸少氣之善後方也蓋大

病之後必有留熱治宜清養後人俱概用峻補以留其

邪則元氣不能驟復愈補愈虛矣

雄按此理惟喻氏知之葉氏精之

五十七清燥救肺湯

經霜桑葉

三錢去筋

杏仁

七分去皮尖炒黃

麥

門冬

一錢二分

生石膏

二錢五分

人參

七分

阿膠

八分

胡麻仁

一錢

枇杷

葉

去毛筋一片

甘草

一錢

水一椀煎六分

食遠服痰多加貝

母枯萎血枯加生地熱甚加犀角羚羊角或加牛黃

柯韻伯曰古方用香燥之品以治氣鬱不獲奏效者以

火就燥也惟繆仲淳知之故用甘涼滋潤之品以清金

保肺立法喻氏宗其旨集諸潤劑而製此湯用意深矣

汪按此治秋燥證之神方勝於東垣清燥湯多矣

五十八妙香丸

一名大聖丸

巴豆

三百十五粒去皮心膜炒熟研如麴

牛黃

研

膩粉研龍腦研麝香研各辰砂飛九金箔九片研研勻

煉黃蠟六兩入白蜜三分同煉令勻為丸每兩作三十

丸白湯下宜明有水此丸治驚癇百病亦

治傷寒潮熱積熱結胸發黃狂走躁熱大小便不通徐氏

云三分一丸難於下咽宜作一分一丸每服三丸為安

五十九六一散一名天水散膩白滑石六兩水飛甘草一兩炙為

細末每服三錢溫水或新汲水調下日三暑溼內侵風

寒外襲者豆豉五十粒葱白五寸水一盞煮汁調下即

解甚者三服必愈催生下乳溫水搗胡麻漿調下併可

下死胎解斑蝥毒加辰砂少許名益元散加黃丹少許

名紅玉散加青黛少許名碧玉散加薄荷葉末少許名

雞蘇散

李瀕湖曰熱散則三焦甯而表裏和溼去則闌門通而

陰陽利完素以之治七十餘證讚為凡間仙藥不可缺

之雄按小溲清長者勿服

**六十**大順散 甘草三十斤 乾薑 杏仁去皮 肉桂去粗皮各

四斤 先將甘草同白砂炒及八分黃熟土晉三日白砂即河砂或云是

白砂糖非次入乾薑同炒令薑裂次入杏仁又同炒候不作

聲為度篩去砂後入肉桂一處擣為散每服一錢水煎

溫服如煩躁并華水調下不拘時沸湯調亦可

王安道曰此方甘草最多乾薑杏仁肉桂次之除肉桂外三物皆炒者原其初意本爲冒暑伏熱引飲過多脾胃受溼嘔吐水穀不分臟腑不調所立蓋溫中藥也內有杏仁不過取其能下氣耳若以之治靜而得之之證吾恐不能解而反增內煩也世俗不明類曰夏月陰氣在內此等方爲必用之藥吁誤矣夫陰氣非寒氣也蓋夏月陽氣發散於外而陰氣則在內耳豈可視陰氣爲寒氣而用溫熱之藥乎陰果爲寒何以夏則飲水耶汪按若夏月必宜溫藥則冬月必宜涼藥乎且大熱煩躁而更以薑桂之燥熱助之不得已而用井華水欲使相濟不知井華水之力不能制也尤爲進退無據矣

徐洄溪曰此治暑月內傷飲冷證非治暑也又甘草多於諸藥八倍亦非法此等病百不得一偶用之耳而製藥四十二斤又止服二錢其意何居其方本不足取而

世之庸醫竟以此治燥火之暑病殺人無算可勝悼哉

六十一紫雪

黃金

一百兩徐云以飛金一萬真代之尤妙

寒水石

慈石

石膏

滑石

各三斤

以上並搗碎用水一斛煮至四

斗去滓入下藥

羚羊角屑

犀角屑

青木香

沈

香

各五斤

丁香

一兩徐云宜用二兩

元參

升麻

各一斤

甘草

八兩炙

以上入前藥汁中再煮取一斗五升去滓入下藥 朴

硝斤硝石

四斤徐云二硝太多宜用十分之一

二味入前藥汁中微火

上煎柳木筥攪不住候有七升投在木盆中半日欲凝

入下藥 硃砂三兩麝香當門子一兩二分二味入前藥

中攪調令勻瓷器收藏藥成霜雪而色紫新汲水調下

雄按雞峯方無慈石滑石硝石其二角祇用各十兩丁沈木香各五兩升麻六兩朴硝二斤麝香卻用三兩餘

六味同又薛公望云方中黃金不用亦可汪按宜用飛金箔不可去

徐洞溪曰邪火毒火穿經入臟無藥可治此能消解其

效如神

六十二禹餘糧丸 即鉞砂丸又蛇含石 即蛇黃大者三兩以新鐵銚盛

入炭火中燒石與銚子一般紅用銚取禹餘糧三兩真鉞

蛇黃傾入醋中候冷研極細末聽用砂五兩以水淘淨炒乾入餘糧一處用米醋二升就銚內煮醋乾為度後用銚併藥入炭火中燒紅銚出頃



藥淨甄上  
候冷研細

以三物為主其次量入虛實入下項藥

羌活

川芎

木香

茯苓

牛膝

桂心

白豆蔻

大茴

蓬蘽

附子

乾薑

青皮

三棱

白蒺

藜

當歸

酒浸一宿  
各五錢

為末入前藥拌勻以湯浸蒸餅

搥去水和藥再杵為丸梧子大食前温酒白湯任下三

十丸至五十丸最忌鹽一毫不可入口否則發疾愈甚

但試服藥即於小便內旋去不動臟腑而能去病日三

服兼以温和調補氣血藥助之真神方也

雄按此乃治  
水腫寒積之

方今人輒用以治脹然脹有寒熱二證設熱脹誤服貽  
害非輕丹溪云温熱之藥太多宜有加減不可徒執其

方魏玉橫云陰虛內熱而為  
臃脹誤服燥熱石藥必死

徐澗溪曰此方兼治有形之積塊

六十三牡蠣澤瀉散

牡蠣

澤瀉

蜀漆

洗去腥

栝蔞根

葶藶子

商陸根

熬海藻

洗去鹹各等分

異擣下篩為散

更入日中杵之白飲和服方寸匕小便利止後服

維按古云

商陸水煎能殺人

華岫雲曰葉氏雖善用古方然但取其法而並不膠柱

觀其加減之妙如復脈建中瀉心等類可知至用牡蠣

澤瀉散祇取此二味故案中有一但書用某方而不開明

藥味者決非盡用原方必有加減之處觀者以意會之

可也

雄按此論通極諸方皆當作如是觀

鄒潤安曰牡蠣澤瀉散證水蓄於下上焦之氣不能爲  
之化故類萃商陸葶藶以從上下降澤瀉海藻以啟水  
中清氣上行栝萸牡蠣則一以上濟其清一以下召其  
濁而使之化耳

又曰牡蠣澤瀉散治腰以下水氣不行必先使商陸葶  
藶從肺及腎開其來源之壅而後牡蠣海藻之軟堅蜀  
漆澤瀉之開泄方能得力用栝萸根者恐行水之氣過  
駛有傷上焦之陰仍使之從脾吸陰還歸於上與常山  
之蛇擊其首則尾應擊其尾則首應者不殊也

六十四越脾湯

麻黃

六兩

石膏

八兩

生薑

三兩

甘草

二兩

大棗

十二

枚

水六升煮麻黃去沫內諸藥煮取三升分三服惡

風加附子一枚

喻嘉言曰越脾湯者示微發表於不發之方也大率取其通調營衛麻黃石膏二物一甘熱一甘寒合而用之脾偏於陰則和以甘熱胃偏於陽則和以甘寒乃至風熱之陽水寒之陰凡不利於中土者悉得用之何者中

土不和則水穀不化其精悍之氣以實營衛營衛虛則

或寒或熱之氣皆得壅塞其隧道而不通於表裏所以

在表之風水用之而在裏之水兼渴而小便自利者咸

必用之無非欲其不害中土耳不害中土自足消患於

方萌矣

六十五 甘遂半夏湯

甘遂

大者三枚

半夏

十二枚

芍藥

五枚

甘草

如指大一枚一本無甘草汪按王氏雖強為之釋究當從一本去甘草為是

水三升煮取

半升去滓以蜜半升和藥汁煎取八分頓服之

王晉三曰甘遂反甘草反者此欲下而彼欲上也乃以

芍藥約之白蜜潤之則雖反而甘遂仍得下滲靈樞有

言約方如約囊甘遂半夏逐留飲彌漫於腸胃之間雖

利而續堅滿苟非以甘草白蜜與甘遂大相反者激而

行之焉能去其留著之根相反為方全賴芍藥之酸可

勝甘約以監反庶不溷亂中焦而為害然學識未優者

不可輕試於人也

黑牽牛

六十六控涎丹

一名妙應丸

甘遂

去心

大戟

去皮白芥子

各等分

為末蒸餅糊丸每服五七丸至十丸臨臥薑湯服

雄按余治

虛人飲證每以六君子湯去甘草送服甚妥達可謂之子龍丸云治流注鼠毒甚效

王晉三曰控引也涎讀作羨涎也水流貌引三焦之

水涵涎流出於水道也芥子色白入肺而達上焦甘遂

色黃入脾而行中焦大戟色黑入腎而走下焦故曰芥

子走皮裏膜外之水飲甘遂決經隧之水飲大戟逐臟

腑之水飲三者引經各異涵涎於水道則同故複之為

方而名控涎也

汪按涎即次之俗字亦作漩本指口唾引伸為痰涎王說未當

六十七 又控涎丹治諸癰 生川烏 半夏 洗 疆蠶 炒各半兩

生薑汁 浸一宿 鐵粉 三錢 研 全蝎 甘遂 麩裏煨各二錢半 為細末生

薑自然汁為丸如綠豆大硃砂為衣每服十五丸生薑

湯下三方俱忌食甘草

六十八 五子五皮湯 即五皮飲 五加皮地骨皮茯苓皮 大腹皮生薑皮一方五

加易陳皮一方 五加易桑白皮 加杏仁蘇子葶藶子白芥子萊菔子方

無杏仁芥子有 香附車前子

六十九 桂苓丸 桂兩 茯苓二兩 為末蜜丸沸湯下二錢

作湯名桂苓飲

七十 禹功丸 即禹功散 黑牽牛頭 入磨一次不復再磨四兩 大茴香 炒一

為細末以生薑自然汁調服一二錢或加木香一兩

七十一防已茯苓湯 防已 黃耆 桂枝各二兩 茯苓六兩

甘草兩 水六升煮取二升分溫三服

王晉三曰余治太陽腰髀痛審證借用此方如鼓之應

桴

七十二中滿分消湯 半夏錢一 厚朴 黃連 黃檗俱薑製

川烏 乾薑俱炮 開口吳 莢炒 草豆蔻炒 木香 人參各五

分 茯苓 澤瀉各一錢半 生薑五片 水煎稍熱服大忌房勞

生冷炙煨酒麪糟醋鹽醬等物身熱脈浮喘滿有表證

加麻黃五分血虛至夜煩熱加歸身黃耆各五分陽氣



下陷便溺赤澀加升麻柴胡各三分脾氣虛弱飲食不  
磨去黃檗加益智仁畢澄茄青皮各二分

七十三中滿分消丸

厚朴 半夏

黃連

俱薑汁炒

黃芩

枳實

白朮

同枳實拌溼炒焦

乾生薑

茯苓

豬苓

澤瀉

人參

各五錢

甘草

炙一錢

湯浸蒸餅爲丸梧子大每服

百九沸湯下

脾胃氣滯食積脹滿加陳皮砂仁各五

錢經脈溼滯腹皮骹臂痛不可拊者加片子薑黃一錢

肺熱氣化不行溺閉喘渴者加知母三錢

張路玉曰東垣分消湯丸一主溫中散滯一主清熱利

水原其立方之旨總不出內經平治權衡去菀陳莖開

鬼門潔淨府等法其湯方主中滿寒脹乃下焦陰氣逆  
滿抑遏中焦陽氣有似乎陰之象故藥中雖用烏頭之  
辛熱宣布五陽爲辟除陰邪之嚮導卽用連檉之苦寒  
以降泄之苟非風水膚脹脈浮證起於表者孰敢輕用  
開鬼門之法以鼓動其陰霾四塞乎九方主中滿熱脹  
用黃芩之輕揚以降肺熱則用豬苓澤瀉以利導之故  
專以潔淨府爲務無事開鬼門宣布五陽等法也

七十四小毒龍湯

麻黃

去節

芍藥

細辛

乾薑

甘草

炙桂枝

各三兩

五味子

半夏

各半升

水一斗先煮麻黃

減二升去上沫內諸藥煮取三升去滓溫服一升

徐洄溪曰此方專治水氣蓋汗為水類肺為水源邪汗未盡必停於肺胃之間病屬有形非一味發散所能除此方無微不至真神劑也

七十五木防已湯

木防已

三兩

桂枝

二兩

人參

四兩

石膏

如雞子大

二枚水六升煮取二升分溫再服虛者即愈實者復發

去石膏加茯苓芒硝

尤拙吾曰防已桂枝一苦一辛並能行水氣而散結氣而痞堅之處必有伏陽吐下之餘定無完氣書不盡言而意可會也故又以石膏治熱人參益虛於法可謂密矣其虛者外雖痞堅而中無結聚即水去氣行而愈其

實者中實有物氣暫行而復聚故三日復發也去石膏  
加芒硝者魏柏鄉云以其既散復聚則有堅定之物留  
作包囊故以堅投堅而不破者卽以奕投堅而卽破也  
加茯苓者亦引飲邪行之用耳

鄒潤安曰防己之莖如木故名木防己後世以其出漢  
中因又名漢防己非二物也如仲聖但以防己名湯則  
曰木防己湯連他物以名湯則除去木字以便稱謂耳  
後人以莖爲木以根爲漢及治風治水之分均屬臆斷

七十六 藿香 正氣散 厚朴 陳皮 桔梗 白朮 半

夏各二大腹皮換檳榔亦可 白芷 茯苓 蘇葉 藿

兩或用蒼朮

香各三兩甘草炙一兩為粗末每服三錢薑三片棗一枚

煎熱服注按蘭臺軌

七十七 不換金正氣散 蒼朮泔浸去皮麻油拌炒黃四兩厚朴去皮薑汁

炒陳皮去日甘草三兩藿香 半夏各二兩為粗末每服

三錢水煎溫服或加香豉

雄按二方皆治風寒外感食滯內停或兼溼邪或吸穢

氣或傷生冷或不服水土等證的是良方若溫暑熱證

不兼寒溼者在所切禁今人謂其統治四時感證不審

病情一概亂用殊可笑也

七十八 六和湯 香薷二兩人參 茯苓 甘草炙扁豆

厚朴薑製 木瓜 杏仁去皮 半夏各一錢 藿香 砂仁炒研各六

分生薑片三 大棗一枚 水煎熱服一方無香薷有白朮汪按

宜用香薷為暑月受涼閉汗故表之也

雄按此亦治暑月外感風寒內傷生冷之劑香薷飲之萬不一主治暑同皆非治暑之藥也用者辨之

七十九五積散 蒼朮 厚朴 陳皮 甘草 麻黃

桂枝 炮薑 半夏 茯苓 枳殼 桔梗 芍藥

當歸 川芎 白芷 生薑 蔥白 為粗末每服三

錢水煎服汪按麻黃亦為閉汗而設

雄按此治外受寒溼內挾冷食之劑

八十一益黃散

陳皮

青皮

下食入太陰之倉

丁香

去脾胃中訶寒各二錢

子肉

五錢能開胃消食止痢

甘草

炙三錢

為末每服一二錢水煎

錢仲陽用治脾土虛寒嘔吐泄瀉

汪按徐洄溪謂訶子肉水煎澀難入口此

方似宜未服不必水煎

八十一又益黃散

人參

陳皮

去白各一錢

黃耆

二錢

生甘草

炙甘草

各五分

芍藥

七分

黃連

少許

為末每服二錢水一

杯煎五分服李東垣用治慢脾風

八十二星附六君湯

即六君子湯

四君子加陳皮半夏是也

加製南

星白附子

附連香飲

缺

俟考

雄按本論主治熱氣深伏煩渴嘔逆必以黃連之苦降泄熱爲君或謂卽香連丸則木香與火升作嘔者非所宜也若寒嘔則石蓮丁香飲甚妙

八十三黃連竹茹橘皮半夏湯

雄按此方於橘皮竹茹湯去生薑之溫甘草之甘加黃連之苦寒以降諸逆衝上之火半夏之辛開以通格拒

搏結之氣用治嘔噦其效如神

八十四來復丹

太陰元精石

舶上硫黃

硝石

各一兩用

硫黃爲末微火炒結成砂子大

橘紅

青皮

去白

五靈脂

澄去砂炒令煙盡各二錢

爲末醋糊丸豌豆大每服三十九白湯下



八十五 七香餅 香附 丁香皮 各一兩 甘松 八錢 益智仁

六錢 砂仁 蓬莖 廣皮 各二錢 爲末神麴糊調勻捏成

餅子每重一二錢乾之用時杵碎水煎服

八十六 平胃散 茅山蒼朮 去粗皮米泔浸五兩 紫厚朴 去皮薑汁炒 陳

皮 去白各三兩二錢 甘草 炙二兩 爲末每服二錢水一盞薑一

片同煎七分溫服

柯韻伯曰內經以土運太過曰敦阜其病腹滿不及曰

卑監其病留滿痞塞三承氣湯調胃土之敦阜此方平

胃土之卑監也培其卑者而使之平非削平之謂猶溫

膽湯用涼劑而使之溫非用溫之謂也

雄按柯氏此論雖已超越前賢而義猶未暢也三承氣湯調胃土之敦阜躋矣若卑監者乃是脾德有慚土不勝溼健運失職陽氣不升非胃病也夫脾字從卑原爲陰土其性惡溼燥補相宜旣知脾溼去而不滯脾得補而健運則是方也乃調脾土之卑監而名曰平胃者以脾氣健而升則胃自平而降耳本非削平之謂也

六十七 胃苓湯 卽平胃合五苓也

六十八 桃核承氣湯

桃仁

五十個  
去皮尖

大黃

四兩

甘草

桂枝

芒硝

各二兩

水七升煮取二升半去滓內芒硝更上

火微沸下火先令溫服五合日三服當微利

徐云微利則僅通大

便不必定  
下血也

徐洄溪曰熱甚則血凝而上于心包故神昏而如狂血  
得熱而行苟能自下則邪從血出亦能自愈但小腹急  
結是蓄血見證宜此主之

鄒潤安曰瘀血一證傷寒論金匱要畧論之最詳大凡  
已見熱標而無熱證脈無熱象者瘀也  
有所阻則應有所不通有所阻而氣化仍通者瘀也  
並無所阻而自謂若有所阻者瘀也  
有燥象而不渴不應渴而反渴者瘀也  
蓋氣以化而行血以行而化氣已行而結者猶結則  
非氣病况血應濡而不濡實非枯而似枯是非有瘀何

由得此哉

雄按余治李氏婦崩後溺瀆暨顧氏婦產後小便不通皆以瘀行而愈可見病機多幻雖

聖人亦有所不能盡也故許知可治毘陵貴婦用桃仁煎而愈古之人行之者矣王清任論病專究瘀血卽

葉氏所云病久入絡義皆本於仲景也

六十九白虎加桂枝湯石膏一斤知母兩甘草兩粳米

合桂枝兩劉每服五錢水一盞半煎至八分去滓溫

服汗出愈

鄒潤安曰或問桂枝與白虎寒熱天淵安可兼用且論

中諄諄以表不解禁用白虎既可兼用則何不如此而

必待表解乎曰表不解不可與白虎條上文脈浮發

熱無汗乃麻黃證非特不得用白虎且不得用桂枝矣

白虎證者脈大也汗出也煩渴欲飲水也三者不兼即非是今云其脈如平身無寒但熱時嘔皆非白虎證亦未必可用桂枝特既與白虎則三者必具再加骨節煩疼之表則無寒不得用柴胡有汗不得用麻黃熱多又不得用附子不用桂枝和營通絡而誰用者且古人於

病有分部非如後世多以陰陽五行生克為言雄按因

議藥不議病之世傷寒有傷寒用藥之例溫瘧有溫瘧此遂成

界積重難返奈何用藥之例蓋傷寒自表入裏故有一毫未化之寒即不

可與全入者並論溫瘧自內出外裏既全熱但有骨節

煩疼一種表證即不得全認為熱而單用白虎故必兼

桂枝使之盡化而頃刻致和矣

九十四獸飲去卽六君子湯加草果爲散每服四五錢生

薑三片鹽少許烏梅一個水煎服

九十一露薑飲 人參 生薑等分 陰陽水煎去滓露一

宿再煎數沸溫服

葉香巖曰瘧疾之發由於受暑者多若驟用溫補截之

爲害不淺松江趙嘉柱瘧發數次用此法變血痢而死

雄按此方必邪衰正餒而纏綿不已者始可用以截之

白露降而炎暑消故取秋露以滌餘邪若秋前露自地

九十二鼈甲煎丸 鼈甲十一分 烏扇卽射干燒 鼠婦熬 乾薑

黃芩 大黃 桂枝 石韋去毛 厚朴 紫葳 阿膠各三

分 柴胡 蜣螂熬各六分 芍藥 牡丹皮 蠱蟲熟各五分 葶藶

熬 半夏 人參各一分 瞿麥 桃仁各二分 蜂窠四分 赤硝

十二分 為末取鍛竈下灰一斗清酒一斛五斗浸灰俟

酒盡一半著鼈甲於中煮令泛爛如膠膝絞取汁內諸

藥煎為丸如梧子大空心服七九日三服雄按凡用介類之藥入丸

劑皆當仿此聖法庶無流弊

王晉三曰鼈甲煎丸都用異類靈動之物若水陸飛潛

升者降者走者伏者咸備焉但恐諸蟲擾亂神明取鼈

甲為君守之其泄厥陰破癥瘕之功有非草木所能比

者阿膠達表息風鼈甲入裏守神蛻蝮動而性升蜂房  
毒可引下蠱蟲破血鼠婦走氣葶藶泄氣閉大黃泄血  
閉赤硝瑛堅桃仁破結烏扇降厥陽相火紫葳破厥陰  
血結乾薑和陽退寒黃芩和陰退熱和表裏則有柴胡  
桂枝調營衛則有人參白芍厚朴達原劫去其邪丹皮  
入陰提出其熱石韋開上焦之水瞿麥滌下焦之水半  
夏和胃而通陰陽竈灰性溫走氣清酒性暎走血統而  
論之不越厥陰陽明二經之藥故久瘧邪去營衛而著  
臟腑者卽非瘧母亦可借以截之金匱惟此方與薯蕷  
丸藥品最多皆治正虛邪著久而不去之病非彙集氣



血之藥攻補兼施未易奏功也

雄按有形癥瘕按之不  
移者即非瘡母亦可借

以緩  
消

九十三六神湯

即四君子湯加山藥扁豆

雄按二陳湯  
去甘草加旋

覆花石菖蒲膽南星亦名六神  
湯治顛狂昏厥諸痰證極效

九十四三黃湯

黃連酒黃芩酒炒大黃酒

浸各等分金匱  
倍大黃名瀉心湯

麻沸湯二升漬之須臾絞去滓分溫再服為末煉白

蜜丸梧子大名三黃丸去大黃加黃檗等分煎名金花

湯更加梔子名梔子金花湯

即黃連  
解毒湯

為末蜜丸名金花

丸金花湯為末蜜丸名三補丸三黃丸加黃檗等分滴

水丸名大金花丸

張石頑曰金花湯止芩連檉三味作丸名三補金花丸  
較湯多梔子作湯名解毒更加大黃則名大金花湯湯  
丸雖異功用不殊但取急攻則用湯緩祛則用丸微有

區別耳

九十五甘露消毒丹

一名普濟解毒丹

飛滑石

十五兩

繇茵陳

一

兩

淡黃芩

十兩

石菖蒲

六兩

川貝母

木通

各五兩

藿香

射

兩

連翹

薄荷

白豆蔻

各四兩

各藥曬燥生研細

末

見火則藥性變熱

每服三錢開水調服日二次或以神麴糊

丸如彈子大開水化服亦可

雄按此治溼溫時疫之主方也六元正紀五運分步每

年春分後十三日交二運徵火旺天乃漸温芒種後十日交三運宮土旺地乃漸溼温溼蒸騰更加烈日之暑燥石流金人在氣交之中口鼻吸受其氣留而不去乃成溼温疫癘之病而為發熱倦怠胸悶腹脹肢痠咽腫斑疹身黃頤腫口渴溺赤便閉吐瀉瘡痢淋濁瘡瘍等證但看病人舌苔淡白或厚膩或乾黃者是暑溼熱疫之邪尚在氣分悉以此丹治之立效並主水土不服諸

病汗按普濟消毒飲用芩連陳皮元參連翹甘桔升柴馬勃鼠黏薄荷板藍根僵蠶或加人參大黃今附載

九十六神犀丹 烏犀角尖磨石菖蒲 黃芩各六兩真懷

生地冷水洗淨浸透搗絞汁 銀花各一斤如有鮮者擣汁用尤良 冀清 連翹各

兩板藍根九兩無則以飛香鼓八兩元參七兩花粉紫草

各四兩各生曬研細忌用火炒以犀角地黃汁糞清和搗為

丸切勿加蜜如難每重三錢涼開水化服日三次小

兒減半如無糞清可加人中黃四兩研入

雄按溫熱暑疫諸病邪不即解耗液傷營逆傳內陷痙

厥昏狂譫語發斑等證但看病人舌色乾光或紫降或

圓硬或黑苔皆以此丹救之若初病即覺神情昏躁而

舌赤口乾者是溫暑直入營分酷暑之時陰虛之體及

新產婦人患此最多急須用此多可挽回切勿拘泥日

數誤投別劑以僨事也兼治痘瘡毒重夾帶紫斑危證

暨痘疹後餘毒內熾口糜咽腐目赤神煩諸證

方中犀角為君

鎊而煎之味極難出磨則需時緩不及待抑且價昂非貧人所能碎辦有力者預為合就施送則患者易得救活必多貧者重生陰功亦大或存心之藥鋪照本製售亦方便之一端也

九十七温膽湯 竹茹 枳實 半夏 各一兩 橘紅 五錢 茯苓

苓 七錢 甘草 炙四錢 每服四五錢 生薑一片 紅棗一枚 水

一鍾五分煎七分服

羅東逸曰膽為中正之官清靜之府喜甯謚惡煩擾喜

柔和不喜壅鬱蓋東方木德少陽温和之氣也是以虛

煩驚悸者中正之官以煇熱而不甯也熱嘔吐苦者清

靜之府以鬱久而不謚也痰氣上逆者土家溼熱反乘

而木不得遂其條達也如是者首當清熱及解利三焦  
方中以竹茹清胃腕之陽而臣以甘草橘半通胃以調  
其氣佐以枳實除三焦之痰壅使以茯苓平滲致中焦  
之清氣且以驅邪且以養正三焦平而少陽平三陽正  
而少陽正膽家有不清甯而和者乎和即溫也溫之者  
實涼之也晉三亦云膽氣退熱為溫非謂膽寒而溫之

也雄按此方去薑棗加黃連治溼熱挾痰而化瘧者甚妙古人所未知也

九十八麻黃杏仁甘草石膏湯藥師湯見

張石頑曰此大青龍湯去桂枝越脾湯加杏仁也雄按彼二

方有薑棗專祛上焦溼熱痰氣與苓桂朮甘湯互發彼藉苓

尤專祛心下之支飲此藉石膏專祛膈上之溼熱也

汪按

此語可商石膏除熱非祛溼之品也

尤在涇曰汗出而喘無大熱者其邪不在經腠而在肺

中故非桂枝所能發麻杏辛甘入肺散邪氣肺被邪鬱

而生熱石膏辛寒入肺除熱氣甘草甘溫安中氣且以

助其散邪清熱之用乃肺臟邪氣發喘之的劑也

又曰大青龍主散表寒而兼清裏熱故麻黃多於石膏

此清肺熱而兼散肺邪故石膏多於麻黃

九十九白頭翁湯 白頭翁二兩 秦皮 黃連 黃檗各三兩

水七升煮取二升去滓溫服一升

柯韻伯曰三陰俱有下利證自利不渴者屬太陰是臟  
有寒也自利渴者屬少陰以下焦虛寒津液不升故引  
水自救也惟厥陰下利屬於熱以厥陰主肝而司相火  
肝旺則氣上撞心火鬱則熱利下重溼熱穢氣奔迫廣  
腸魄門重滯而難出內經云暴注下迫者是矣脈沈爲  
在裏弦爲肝脈是木鬱之徵也渴欲飲水厥陰病則消  
渴也白頭翁臨風偏靜長於驅風用爲君者以厥陰風  
木風動則木搖而火旺欲平走竅之火必甯搖動之風  
秦皮木小而高得清陽上升之象爲臣是本鬱達之所  
以遂其發陳之性也黃連瀉君火可除上焦之渴是苦



以發之黃檗瀉相火可止下焦之利是苦以堅之也治

厥陰熱利有二初利用此方以升陽散火是謂下者舉

之寒因熱用法久利則用烏梅丸之酸以收火佐以苦

寒雜以溫補是謂逆之從之隨所利而行之調其氣使

之平也

雄按徐氏亦云烏梅丸治久痢之聖方也

一百縮脾飲

縮砂仁

烏梅肉

草果仁

煨

甘草

炙各四兩

乾葛

白扁豆

各二兩

每服四錢水一椀煎八分水澄

冷服以解煩或欲溫欲熱任意服

雄按脾為陰土喜燥而惡溼貪涼飲冷則脾陽為溼所

滯而緩縱解伏不能宣運如常矣故以砂仁草果快脾

而去其所惡之溼臣以甘草扁豆甘淡以培其正氣卽  
佐葛根烏梅一以振其敷布之權一以縮其緩縱之勢  
况梅能生液溼去津生最爲可法

一百一三甲散 鼈甲 龜甲 並用酥炙黃爲末各一錢  
如無酥各以醋炙代之

穿山甲 土炒黃 蟬蛻 洗淨 白僵蠶 切生 牡蠣 煨爲末 當歸

各五分 白芍 酒炒 甘草 三分 蠱蟲 三个乾者擘碎鮮者杵爛  
和酒少許取汁入湯藥同

服其滓入 諸藥同煎 水二鍾煎八分濾去滓溫服

雄按此方從金匱鼈甲煎丸脫胎

一百二白虎加蒼朮湯 卽白虎湯加蒼朮一味

葉香巖曰知母氣味苦寒入足陽明甘草氣味甘平入

足太陰石膏氣味辛寒入手太陰足陽明蒼朮氣味苦辛溫入足太陰稷米氣味甘平入手足太陰此治暑溼相搏而為溼溫病者以苦寒辛寒之藥清其暑以辛溫雄烈之藥燥其溼而以甘平之藥緩其中則賊邪正邪皆卻病自安矣

一百二清暑益氣湯 人參 黃耆 白朮 廣皮 神

麴

澤瀉

各五分

蒼朮

升麻

各一錢

麥冬

炙草

葛根

當歸

黃檗

各二分

青皮

二分半

五味子

九粒

水二盞煎

一盞去滓溫服

雄按治法彙止用參耆朮草歸身橋皮五味麥冬黃檗九味加薑棗汪按東垣

此方洄溪已譏其用藥雜亂此去蒼朮升麻葛根是矣然猶不免近雜用此方者加減尚宜斟酌

王晉三曰此治膏粱之體因避暑而襲涼飲冷內傷脾胃抑遏真陽之劑故方中以清解與補益兼施

尤拙吾曰元氣本虛而又傷於暑溼以致四肢倦怠精神

短少懶於動作胸氣短促不思飲食脈浮緩而遲者

雄按其脈如是乃氣虛溼盛兼吸微暑也可用此方若體實脈盛或雖虛而

不甚及津涸煩渴多火者則不可混投也雄按溼熱病篇第三十八

條後余有清暑益氣法可用也汪按夢隱所定清暑益氣方用西洋參石斛麥冬黃連竹葉荷稈知母甘草梗米西瓜翠衣十味較東垣之方爲安然臨證尙宜加減斟酌又按傷暑倦怠投參麥五味立效然必審其無外感者若有暑邪投之其危立至不可不慎也

雄按東垣專事升陽徐洄溪章杏雲皆深非之此方亦

從補中益氣加味魏柳洲云補中益氣湯爲東垣治內傷外感第一方後人讀其書者鮮不奉爲金科玉律然不知近代病人類多眞陰不足上盛下虛者十居八九

即遇內傷外感之證投之輒增劇非此方之謬要知時

代稟賦各殊耳陸麗京嘗言陰虛人誤服補中益氣往

往暴脫司命者審諸今人吸煙者多陰液既已耗傷痰氣極易升逆按丹溪云素無痰者

服升柴不致滿悶孫文垣云經謂升降浮沈必順之又曰天時不可伐雖宜升提之病而冬之閉藏實爲春令

發生之本天人一理若不顧天時而強用升提之法是伐天和而泄元氣根本既虧來春何以發生此等至理

皆不可不知也余謂東垣立方命名本錯設當時立此培中舉

陷之法名曰補中升氣湯則後人顧名思義咸知其爲

升劑矣原以升藥舉陷乃既曰補中復云益氣後人遂以爲參朮得升柴如黃耆得防風而功愈大既能補脾胃之不足又可益元氣之健行凡屬虛人皆堪服餌而忘其爲治中虛兼外感之方再經立齋之表章每與腎氣丸相輔而行幸張會卿一靈未泯雖好溫補獨謂此方未可浪用奈以盧不遠之賢亦袒新甫甚矣積重之難返也惟葉天士謂立齋用藥每執死法未免有不中

肯綮者

汪按泖溪亦以立齋爲庸醫之首

一百四生脈散

方見溼熱病篇第三十九條

一百五香薷飲

四味香薷飲

黃連香薷飲

五物香

薰飲 十味香薰飲 並見溼熱病篇第四十條

一百六 真人養臟湯 人參 白朮 炒焦各錢半 肉桂 訶子

肉 木香 肉豆蔻 罌粟殼 各五分 水煎溫服一方

有白芍甘草甚者加附子五分

雄按此治久瀉而脾腎虛寒臟氣不攝之方也 汪按此方訶子

肉罌粟殼並用較益黃散更澀亦宜末服不宜煎服又按此方必純屬虛寒者方可用若用以治暑熱之痢則必噤口告危

殺人如草矣

一百七 冷香飲子 附子 炮 陳皮 草果 各一錢 炙甘草 一錢

五 生薑 片五 水一鍾煎滾即濾井水頓冷服

雄按此方與大順散皆治陰寒冷溼之氣客於太少二

陰而爲霍亂吐下之方也多由畏熱而浴冷臥風過啖  
冰瓜所致乃暑月之中寒證非病暑也若痢疾門中可  
用此方之證甚屬罕見苟諦審未確切須慎之萬一誤  
投噬臍奚及洄溪云如有暑邪者薑斷不可用雖佐苓  
連不可救也况薑附同用而無監制之品者乎俞東扶  
云昔羅謙甫治商參政與完顏小將軍二案俱用熱藥  
俱不名曰暑病又吳球治遠行人一案雖在暑月直曰  
中寒蓋恐後世誤以熱藥治暑特舉病因以稱之可謂  
名正言順矣蓋寒暑者天地一定之陰陽不容混淆隆  
冬既有熱病盛夏豈無寒病故辨證爲醫家第一要務



辨證既明自然不惑於悠悠之謬論而無倒行逆施遺  
人夭殃之慮矣

一百八敗毒散 羌活 獨活 柴胡 前胡 川芎

枳殼 桔梗 茯苓 甘草 薄荷 為細末每服二

錢水一盞煎七分溫服或沸湯點服亦得

雄按此即活人本方去人

參薑加薄荷

余師愚曰此足三陽藥也羌活入太陽而理遊風獨活  
入太陰而理伏邪兼能除痛柴胡散熱升清協川芎和  
血平肝以治頭痛目昏前胡枳殼降氣行痰協桔梗茯  
苓以泄肺熱而除溼消腫甘草和裏更以薄荷為君取

其清涼氣味皆溥疏導經絡表散能除高巔邪熱方名

敗毒良有以也疫證初起服此先去其爪牙雄按爪牙者表邪之

謂也無表邪者不可用也使邪不盤踞經絡有斑即透較升葛荆防

發表多多矣如口乾舌燥加黃芩喉痛加山豆根倍甘

桔雄按雖加苦寒之品終嫌升散必惡寒無汗者始可用也古方引用生薑生薑性

太熱與疫證不宜以葱白易之可也

雄按喻氏論疫推服此方為第一極言其功效之神後

人從而和之然羌獨柴芎類屬溫升考活人書治傷寒

瘟疫風溼風眩拘蹇風痰頭痛目眩四肢痛憎寒壯熱

項強睛疼則所治者原是風寒溼障雜感之傷寒瘟疫

並非兼治暑燥之病者余氏因熊氏先翦爪牙之說遂謂溫熱之疫初起亦當先服此方雖每服二錢尙是小劑但必外挾風寒溼之表邪者始爲合拍否則熱得風而愈熾能無亢逆之憂乎惟桔梗湯五十最爲申竅用者審之

一百九清瘟敗毒飲

生石膏

大劑六兩至八兩中劑二兩至四兩小劑八錢至一

兩二小生地

大劑六錢至一兩中劑三錢至五錢小劑二錢至四錢

烏犀角

大劑六錢

至八錢中劑三錢至五錢小劑二錢至四錢

真川連

大劑四錢至六錢中劑二錢至四錢小劑一錢

至一錢半 梔子

桔梗

黃芩

知母

赤芍

元參

連

翹

甘草

丹皮

鮮竹葉

先煮石膏數十沸後下

諸藥犀角磨汁和服

此十二經泄火之藥也凡一切火熱表裏俱盛狂躁煩  
心口乾咽痛大熱乾嘔錯語不眠吐血衄血熱甚發斑  
不論始終以此爲主方蓋斑疹雖出於胃亦諸經之火  
有以助之重用石膏直入胃經使其敷布於十二經退  
其淫熱佐以黃連犀角黃芩泄心肺火於上焦丹皮梔  
子赤芍泄肝經之火連翹元參解散浮遊之火生地知  
母抑陽扶陰泄其亢甚之火而救欲絕之水桔梗竹葉  
載藥上行使以甘草和胃此大寒解毒之劑重用石膏  
則甚者先平而諸經之火自無不安矣若疫證初起惡

寒發熱頭痛如劈煩躁譫妄身熱肢冷舌刺唇焦上嘔

下泄六脈沈細而數卽用大劑沈而數者卽用中劑浮

大而數者用小劑如斑一出卽加大青葉併少佐升麻

四五分引毒外透此內化外解濁降清升之法治一得

一治十得十以視升提發表而加劇者何不俯取芻蕘

之一得乎

雄按觀此說則初起不必用翦爪牙之法也又秦皇士治斑用升麻黃連生地丹皮甘草

木通名升麻清胃湯輕清涼血亦是透化斑疹之妙法誤食葷腥者加山查砂仁 乾隆甲申余

客中州先君偶染時疫爲羣醫所誤抱恨終天曷其有

極思於此證必有以活人者公之於世亦以稍釋余懷

因讀本草言石膏性寒大清胃熱味淡氣薄能解肌熱

體沈性降能泄實熱恍然大悟非石膏不足以治熱疫  
遇有其證輒投之無不得心應手三十年來頗堪自信  
活人所不治者筆難罄述然一人之治人有限因人以  
及人無窮因著爲疫疹一得公之於世使天下有病斯  
疫者起死回生咸登壽域余心庶稍安焉桐城余霖漫  
識

吳種芝曰甲寅夏久無雨暑氣盛行人多疾病病則必  
死醫家齊束手不治師愚輒予以石膏黃連等劑無不  
立效其得之則生不得則死者不可更僕數而余門下  
奎氏兄弟一存一天尤屬明徵然存活日多而謗者日

益衆謂師愚非石膏不立劑是誣人甚至以謗師愚之  
故并謂石膏爲斷不可用豈不更誣藥哉誣人旣已不  
可誣藥而愚者信焉妄者傳焉雖遇熱證凶危仍以柴  
葛當之不效則投以丹芩又不效則投以人參桂附雄按  
粗工伎倆大率如此至於一誤再誤死而後已醫者猶詡詡得意  
曰非我也命也是以謗師愚之故而累及無辜置人之  
生死於弗顧也豈不大可歎哉

莊製亭曰此方分兩太重臨證時不妨量裁一二味或  
減輕分兩如石膏由三五錢以至二三兩皆可取效汪按

石膏體重若止用  
三五錢似嫌太少

雄按余君治祁某案後云此方醫家不敢用病家不敢服甚至藥肆不敢賣有此三不敢疫證之死於誤者不知凡幾紀文達公於癸丑年曾目擊師愚之法活人無算而謂其石膏有一劑用至八兩一人服至四斤因而疑爲司天運氣所值未可執爲通例余氏書中亦羅列運氣之說然則甲子甲申戊子丙午癸丑甲寅等年歲運並不同何以案中治法皆同乎此司天在泉之不可泥但察其時之旱潦見證之宜否爲可憑也道光中歸安江筆花治一時疫發斑用石膏至十四斤而斑始透蓋深得師愚之法者而王子中太史白田集有石膏辨



云目擊受石膏之害者甚多深以繆仲淳袁體庵爲不  
可法賢者尙爾無怪乎庸耳俗目之謗師愚也夫停食  
不消因而致死者多矣豈可歸罪於五穀以爲神農后  
稷作俑而令天下人辟穀耶況物性之中和莫如穀矣  
而霍亂痧脹一口米湯下咽卽難救治蓋一病有一病  
一之宜忌用得其宜硝黃可稱補劑苟犯其忌參朮不異  
砒礪故不可舍病之虛實寒熱而不論徒執藥性之純  
駁以分良毒也補偏救弊隨時而中貴於醫者之識病  
耳先議病後議藥中病卽是良藥汪按凡藥能治病者  
誤用卽能殺人參朮  
與硝黃無異也貴於中病而已乃世人無病者偏好服  
藥及有病又不議病而議藥醫者欲其道之行藉以謀

生相率阿世取容偶有特立之士力排衆論別出心裁  
如師愚者且羣目爲怪物矣欲求醫學之昌明何可得  
乎此數語乃醫者之良箴處方之軌範吾願世之醫人取而三復之  
以致川苟食而不化則粗庸偏謬貽害無窮非獨石膏  
爲然矣搢紳先生博覽之餘往往涉獵岐黃家言或筆  
之於書或參贊親友之病世人因信其知儒遂併信其  
知醫孰知紙上談兵誤人不淺呂晚村是其尤者也安  
得如徐洄溪者一一而砭之哉汪按洄溪有涉獵醫書  
誤人論言皆切中可以  
垂戒而醫貫砭一書尤極有功於醫學無如世  
之庸耳俗目推尊晚村者終不肯信也可歎

一百十錫類散 象牙屑焙 珍珠各三分 飛青黛六分 梅花冰

片三釐 壁錢俗名喜兒窠二十個用泥 西牛黃 人指甲

男病用女女病用男  
分別合配各五釐

研極細粉密裝瓷餅內勿使泄

氣專治爛喉時證及乳蛾牙疳口舌腐爛凡屬外淫為  
患諸藥不效者吹入患處瀕死可活

雄按此方尤鶴年附載於金匱翼云張瑞符傳此救人  
而得子故余名之曰錫類散功效甚著不能殫述

一百十一 硃砂安神丸 透明硃砂另研黃連各五分生地三錢

當歸 甘草各二錢 為細末酒泡蒸餅丸如麻子大即

以硃砂為衣每服三十丸臥時津液嚥下

葉仲堅曰經云神氣舍心精神畢具又云心者生之本  
神之舍也且心為君主之官主不明則精氣亂神太勞

則魂魄散所以寤寐不安淫邪發夢輕則驚悸怔忡重則癡妄顛狂硃砂具光明之體赤色通心重能鎮怯寒能勝熱甘以生津抑陰火之浮遊以養上焦之元氣爲安神之第一品心苦熱配黃連之苦寒瀉心熱也更佐甘草之甘以瀉之心主血用當歸之甘溫歸心血也更佐地黃之寒以補之心血足則肝得所藏而魂自安心熱解則肺得其職而形自正也

一百十二集靈膏

人參

枸杞子

各一斤

天冬

麥冬

生地

熟地

各二十入兩

懷牛膝

酒蒸四兩

甜水砂鍋熬膏將

成加煉白蜜六兩滾數沸收之白湯或酒調服

雄按先大父云此方始見於廣筆記云出內府又載於  
治法彙而無牛膝方後注血虛加當歸四兩脾弱加白  
朮四兩或半斤且云治一切氣血兩虛身弱欬嗽者罔  
不獲效凡少年但覺氣弱倦怠津液少虛火上炎急宜  
服之後惟魏玉橫善用此方續名醫類案內極著其功  
效實卽人參固本加味也或又加仙靈脾余謂峻滋肝  
腎之陰無出此方之右者若兼帶下遺精者宜去牛膝  
加黃檗大便秘滑者亦去并添重加生薏仁理虛元鑑  
治勞嗽用本方去人參牛膝加元參甘桔

一百十三麥冬湯

麥冬

一兩

炙甘草

二兩

鮮竹葉

十五瓣

北棗

肉兩枚

爲細末每服五錢粳米湯盞生煎至一盞溫服

不能服者繇漬點口中如加人參更妙

雄按此海藏方也卽金匱麥冬湯去半夏加竹葉治

房勞復之氣欲絕者服之大效然外臺於此證主一味

竹皮湯以竹皮堅韌能固氣液之脫而清虛火方中似

不可缺又枸杞子純甘多液能補精神氣血之耗傷凡

氣喘吸促根蒂欲漓者可加入兩許殊勝人參熟地也

卽不因房勞而氣液兩虧不能受重劑峻補者余亦用

此法接續其一綫之生機每多獲效推而廣之可以養

心營可以潤肺燥

汪按嗽證肺雖虛而尙有邪者麥冬究宜慎用可以緩肝急

可以補脾陰其用多矣宜易其名曰小復脈湯

〇

溫熱經緯卷五